


Goj "Laujgyau" Binhyangz

□ Godoq comz hoiz



▲ Gij siengq ndaw densigi《Go'gyau》.




▲ Goj Laujgyau ndaej bien baenz saw cienz biengz.

◀ Goj Laujgyau ndaej bien baenz den-sigi book.



▲ Goj Laujgyau ndaej bien baenz heiq yienj hawj vunzlai yawj.



▲ Baih ndaw bonj saw 《Laujgyau》.

Goj "Laujgyau" Binhyangz dwg vwnzyoz bakgangj, caeuq doenghgi vwnzyoz yisuz ndawbiengz wng dox-beij, gij fuengsik cienzlah de linghgag dangqmaz, couh dwg: Boux gangj gojgaeq de mboujguenj miz mbouj miz vwnzva roxnaeuz rox mbouj rox saw, mboujguenj guh maz hong, mboujguenj nienzeigj geq iq, mboujguenj mbwk sai, cijaeu de rox aen goj "Laujgyau" ndeu couh ndaej lwnh hawj bouxwnq dingq: Gangj gojgaeq seiz mboujguenj dwg seizlawz, gizlawz, mboujguenj bouxdingq lai noix, seizlawz gizlawz cungj gangj ndaej. Goj "Laujgyau" cienzlah doh daengx yienh ndawsingz lajmbanj, cienzlah dieg gvangq, lizsij nanz raez.

Goj "Laujgyau" dwg cungj yisuz ndawbiengz vunzlai dangdieg gyaec

gangj maij dingq. Ndwade miz haujlai goj aeu gij saeh gvendaengz saedceij lajmbanj dangdieg guhgoek daeuj bien baenz, miz haujlai daegdiemj gvendaengz sibgveng vunz dangdieg caeuq sibgveng gvaq saedceij baenz-lawz hengzguh. Doenghgi goj miz raez miz dinj, gangj saeh lai cungj lai yiengh. Moix aen goj "Laujgyau" ndawde, cungj yienh'ok "Laujgyau" uklingz coengmingz, dungxcaiz ndei gvaq vunz. Bouxlwnh gojgaeq haenx maij yungh vah dangdieg gangj, miz di bouxlwnh baengh coenh vah dangdieg caeuq vah ndaw goj gij sing doxyawj bae lwnh, neix couh lwnh baenz aen gojgaeq yinx vunz riuha bae, neix miz gij daegdiemj minzcuz dangdieg yienhda dangqmaz.

Goj "Laujgyau" youq Binhyangz cienzlah haujlai nanz lo, daj miz daeuj de baenzlawz bienqvaq mbouj cingcuj, daihbouhfaenh dwg bakriuz roengzdaeuj. "Laujgyau" dwg bouxyienh vunz Binhyangz guhvunz lauxsaed gangj vah suengq vah, sim ndei maij hek, uk lingz coengmingz, gaengguh akguh, mbouj lau boux miz gienz. "Laujgyau" dwg dangseiz ndawbiengz gyoengqvunz gungzhoj ndawde boux ndeu, de uklingz sim-gvai, gvej bouxmiz coengh bouxhoj, fad hakdam, vet caeuq fad doengh-

boux vunz dungxrwix vunzhengzyak, coengh vunz lai okheiq, yienghneix guh le, vunz lai couh aeueiq hawj de caemhcaiq haenhndei de, yienghneix couh dwg gij goekgaen vihmaz goj "Laujgyau" ndaej youq ndawbiengz cienzlah swnjcienz roengzdaeuj haujlai nanz haenx.

Bi 1984, boux ranzcoj youq Binhyangz heuhguh Liengz Beiminz ciuq doenghgi gojgaeq de caeuq yienh vwnva'gvany guhdoi soucomz, cingjeix ndaej haenx bien baenz bonj siuoz raez 《Laujgyau》, daengz laeng youh gajbien baenz densigi 《Go'gyau》.

Bi 1992, Fuzgen Yingjsi Cauhguh Cungsim ingjuh baenz densigi 《Go'gyau》. Bi 1993 ndaej youq Cunghyangh Densidaiz book, neix le rogguek miz 50 lai aen guekgya caeuq digih gonqlaeng book. 《Go'gyau》 dwg bouh densigi guhyoux angq ndeu, gangj vunzcoz Bouxcuengh baengh uklingz dungxcaiz lai gajbienq diegvih caeuq mingzyinh. Ndwade gangj bouxcoz ndeu heuhguh Go'gyau, de seziq ranz hoj, baengh dwkfwnz gwn, de ukgyaeuj lingz, caeuq dicuj doxdaeuq, caeuq bouxhak doxdaeuq, caeuq bouxvuengz doxdaeuq, caeuq mbwn doxdaeuq. Doeklaeng, Go'gyau hingz lo, ndaej aeu dahngeih ranz dicuj heuhguh Ahlenz guh baz.

Ndaw dendsi neix couh miz mbangj goj daj ndaw goj Laujgyau supaeu gij saeh caeuq ginggvaq daeuz, lumj gij goj 《Faen Cwzvaiz》《Hoh Gyaue》《Genj Gwiz》《Uklingz Mbaet Ndaej Makmbei》daengj.

Bi 2010, Goj "Laujgyau" Binhyangz ginggvaq Gvangjsih Bouxcuengh Swcigih Yinzminz Cwngfuj doengzeiq, ndaej lied haeuj daihsam buek swcigih gaep feihvuzciz vwnzva yizcanj mingzloeg.



▲ "Laujgyau" ndaw densigi 《Go'gyau》.

▲ Dam raiz goj Laujgyau.